



Brev dato: 03-12-2025
Sagsnr. 2025 - 23153
Akt. nr. 25934363

Postboks 1614
3900 Nuuk
Tlf. (+299) 34 50 00
E-mail: nap@nanoq.gl
www.naalakkersuisut.gl

Inatsisartunut ilaasortaq
Mariane Paviassen Jensen, Inuit Ataqtigiit

Pituffimmi illersornissamut isumaqatigiissut pillugu § 37 naapertorlugu apeqquut nr. 005-mut akissut

Asasara Mariane Paviassen Jensen

Ulloq 23. april Inatsisartut Suleriaasianni § 37, imm. 1 naapertorlugu Naalakkersuisunut apeqquteqarputit. Apeqqutit uannut akineqartussanngorlugit innersuunneqarput.

1. Naalakkersuisut Pituffimmi illersornissamut isumaqatigiissutip nutarterneqarnissaannut tunngasumik partiinnik oqaloqateqarnissamik sulil pilersaaruteqarpat?

a) Taamaasimappat qaqugu pilersaarut ingerlanniarneqarpa?

Akissut:

USA-p sakkutooqarnikkut Kalaallit Nunatsinniinnerata sapinngisamik annertunerpaamik assersuutigalugu kalaallit suliffeqarfiutaannik suleqateqarnikkut, suliffissanik pilersitsinikkut, praktikerfissatigut Kalaallit Nunaanni innuttaasunut iluaqutaanissaa, Naalakkersuisut pingaartippaat.

Isumalluutiniq patsiseqartumik Illersornissamut isumaqatigiissutip 1951-meersup, tassungalu attuumasumik ilassutitut isumaqatigiissutit Inatsisartut qinigaaffiisa 14-iata qaangiutinnginnerani Naalakkersuisut Inatsisartunik partiinik oqaloqateqarnerup aallartinnissaa angumerinngitsoorpaat. Inatsisartoqarnermi periuseq aalajangersimasooq malillugu qinigaaffiup siunnersuutip akuerineqarfiata qaangiunnerani Inatsisartut aalajangernerat Naalakkersuisunut pituttuisuuneq ajorpoq.

Kalaallit Nunaata nunanut allanut, isumannaallisaanermut illersornissakkullu periusissiaa 2024-meersoq aallaavigalugu, Kalaallit Nunaata soqutigisai nunat tamat akornanni suleqatigiinnermi ingerlaavartumik Naalakkersuisut qulakkeerniartarpaat. Nunarsuarmi politikikkut inissisimaneq eqqarsaatigalugu Naalakkersuisut partiinik isumaqatigiissuteqartunik suleqateqarlutik nutarsaanissaq siunertaralugu periusissiaq ilai naapertuuttut sulissutigeqqissavaat.

Kalaallit Nunaannit, USA-mit Danmarkimillu sinniisut ukiumoortumik Permanent Committeemi ataatsimiinnissaat 2025-p naannginnerani ingerlanneqassaaq. Permanent Committee USA-p Kalaallit Nunaaniinneranik ingerlaavartumik oqallittarfiuvoq, tassani Kalaallit Nunaanni inuiaqatigiinnik iluaqutsiinissaq ilanngullugu.

Inussiarnersumik inuulluaqqusillunga


Vivian Motzfeldt